

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02-11-4-8380/21

Datum: 27.12.2021.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 14. stav (1), 18. stav (1), člana 21. stav (1) tačka a) i d) i člana 28. stav (1), a u vezi sa članom 32. stav (1) Zakona o javnim nabavkama („Službeni glasnik Bosne i Hercegovine”, broj 39/14), policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU O POKRETANJU PREGOVARAČKOG POSTUPKA BEZ OBJAVE
OBAVJEŠTENJA SA JEDNIM PONUĐAČEM

I

Određuje se pokretanje postupka javne nabavke usluga – servisiranja motornih vozila za potrebe Uprave policije Ministarstva unutrašnjih poslova Kantona Sarajevo.

Predviđa se potpisivanje okvirnog sporazuma sa jednim dobavljačem po lotu, na period od 12 mjeseci.

II

Zakonski osnov za provođenje postupka javne nabavke predstavlja član 21. stav (1) tačka a) i d) i člana 28. stav (1) Zakona o javnim nabavkama („Službeni glasnik Bosne i Hercegovine”, broj 39/14).

III

Procjenjena vrijednost nabavke iznosi 39.360,00 KM bez PDV-a i to:

- Lot 1 – Servisiranje motornih vozila marke BMW	35.470,00 KM
- Lot 2 – Servisiranje motornih vozila marke Peugeot	3.890,00 KM

IV

Novčana sredstva za plaćanje nabavke osiguravaju iz Budžeta Kantona Sarajevo, razdjel 17 - MUP, glava 02 - Uprava policije, ekonomski kod 613700.

Nabavka je predviđena Planom nabavki Uprave policije Ministarstva unutrašnjih poslova Kantona Sarajevo broj: 02-11-4-1149/21 od 02.03.2021. godine, Izmjenama i dopunama Plana nabavki Uprave policije Ministarstva unutrašnjih poslova Kantona Sarajevo broj: 02-11-4-1149-2/21 od 31.05.2021. godine, Izmjenama dopunama Plana nabavki Uprave policije Ministarstva unutrašnjih poslova Kantona Sarajevo broj: 02-11-4-1149-3/21 od 15.09.2021. godine, Izmjenama dopunama Plana nabavki Uprave policije Ministarstva unutrašnjih poslova Kantona Sarajevo broj: 02-11-4-1149-4/21 od 20.10.2021. godine i Izmjenama dopunama Plana nabavki Uprave policije Ministarstva unutrašnjih poslova Kantona Sarajevo broj: 02-11-4-1149-5/21 od 16.12.2021. godine pod rednim brojem 74.

V

Za provođenje postupka dodjele ugovora za nabavku usluga iz tačke I ove odluke, zadužuje se Komisija za sukcesivne nabavke, imenovana Rješenjem broj: 02/5-1-30-1-1809 od 06.04.2021. godine.

Postupak javne nabavke će se provesti putem pregovaračkog postupka bez objave obavještenja u skladu sa Zakonom o javnim nabavkama i podzakonskim aktima.

VI

Ova odluka stupa na snagu danom donošenja.

OBRAZLOŽENJE

U otvorenim postupcima javne nabavke servisiranja motornih vozila (marke BMW i marke Peugeot), koji je u 2021. godini proveden tri puta (na osnovu Odluke o pokretanju broj: 02-11-4-2149/21 od 23.04.2021, Odluke broj: 02-11-4-4425/21 od 28.06.2021. godine i Odluke broj: 02-11-4-6037/21 od 01.09.2021. godine) nije dostavljena nijedna ponuda ili nijedna prihvatljiva ponuda za lotove koji se odnose na servisiranje motornih vozila marke BMW i Peugeot.

Član 21. stav (1) tačka a) Zakona o javnim nabavkama („Službeni glasnik Bosne i Hercegovine”, broj 39/14) propisuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u slučaju kada nijedna ponuda ili nijedna prihvatljiva ponuda nije dostavljena u otvorenom ili ograničenom postupku i kada uslovi za ugovor nisu bitno promijenjeni u odnosu na uslove iz prethodnog postupka.

Takođe, član 21. stav (1) tačka d) Zakona o javnim nabavkama („Službeni glasnik Bosne i Hercegovine”, broj 39/14) propisuje da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u slučaju kada izuzetno, zbog dokazivih razloga krajnje hitnosti, prouzrokovane događajima nepredvidivim za ugovorni organ, ne mogu ispoštovati ovim zakonom utvrđeni minimalni rokovi za otvoreni, ograničeni ili pregovarački postupak s objavom obavještenja.

Okolnosti kojima se opravdava izuzetna hitnost postupka ni u kom slučaju ne smiju se dovesti u vezu s ugovornim organom.

Zbog poništavanja postupaka javne nabavke za lotove koji se odnose na servisiranje motornih vozila marke BMW i Peugeot, zbog hitnosti i zadovoljavanja osnovnih potreba za operativnošću i efikasnošću obavljanja poslova iz nadležnosti Uprave policije, zaključit će se okvirni sporazum na 12 mjeseci, a ne na 24 mjeseca kako je to bilo predviđeno u otvorenom postupku javne nabavke. Stoga je ugovorni organ iz opravdanih razloga izmjenio procjenjenu vrijednost javne nabavke i vrijeme trajanja/zaključenja okvirnog sporazuma.

Budući da se radi o organu koji štiti unutrašnju sigurnost Kantona Sarajevo (zaštita života i imovine; sprječavanje, otkrivanje i istraga krivičnih djela i prekršaja; održavanje javnog reda i mira; i sl.) obavezni smo blagovremeno servisirati/održavati službena motorna vozila, kako bismo osigurali stalnu operativnost i efikasnost u radu policijskih službenika Uprave policije Ministarstva unutrašnjih poslova Kantona Sarajevo. Ovdje se radi o motornim vozilima koja se moraju hitno servisirati, ali i otkloniti nastali kvarovi, a koje ugovorni organ u proteklom periodu nije mogao učiniti zbog nemogućnosti provedbe postupka

Na osnovu svega naprijed navedenog, te zbog potrebe hitnosti za reakcijom, ugovorni organ pokreće predmetnu nabavku putem pregovaračkog postupka bez objave obavještenja o nabavci.

Ugovorni organ će prilikom provođenja predmetnog postupka voditi računa da ugovorena cijena ne bude veća od uporedive tržišne cijene.

POLICIJSKI KOMESAR
Generalni inspektor policije

Nusret Selimović

Dostaviti:

1. Sektoru za materijalno finansijske poslove
2. Odjeljenju za odnose s javnošću, radi objave na web stranici ovog organa
3. a/a